

Հ. Մուրադյան

ԳՈՒՐԳԵՆ ԲՈՐՅԱՆ

Գուրգեն Բորյանը պատկանում է սովետահայ այն զրոյների թվին, որոնց մոտ սովետական գրողի համար բնորոշ և տիպական հատկանիշները զրահորվում են առավել ցայտուն կերպով։

Ամենահիմնականն ու բնորոշը Բորյանի մոտ նրա բուլեիկյան պարտիականությունն է, կոմունիստական դադափարականությունը, որով տոգորված է նրա ողջ ստեղծագործությունը։

Անձնվեր կերպով ծառայել սովետական ժողովրդին ու հայրենիքին, Հենինի-Ստալինի պարտիային, բոլոր միջոցներով նպաստել նրա պայքարին հանուն կոմունիզմի հաղթանակի—այս է ահա Բորյանի ստեղծագործության ներքին պափոսը, այդ մեծ դադափարով է սնվում և աճում Բորյանը իրրև սովետական հայրենասեր զրոյ և քաղաքացի։

* * *

Բորյանը զրել սկսում է շատ վաղ։ Նրա ոտանավորները տպագրվում են 15 տարեկան հասակից։ Նա պիոներական և կոմերիտական մամուլի առաջ քաշած և աճեցրած—ստեղծագործական կազմերից է։

1937 թվին տպագրվում է Բորյանի ոտանավորների առաջին զրքույկը, որով նա իր վրա է զարձնում զրական հասարակայնության ուշադրությունը։ Երկու տարի անց, 1939 թ. լույս է տեսնում բանաստեղծի երկրորդ զրքույկը՝ «Արևի համրույրը» խորագրով պոեմը՝ նվիրված Ստալինի ծննդյան 60-ամյակին։ 1940 թվին Բորյանը լույս ընծայեց լիրիկական բանաստեղծությունների նոր ժողովածու՝ «Ճանապարհ դեպի ծով» վերնագրով։

1941 թվին՝ Հայրենական պատերազմի առաջին իսկ օրերից Բ. Բորյանին մենք տեսնում ենք Կարմիր Բանակի շարքերում։ Շուրջ չորս տարվա մարտական կյանքը հերոսական Սովետական Բանակի շարքերում մեծ և խորը ազդեցություն է ունենում բանաստեղծի վրա, որը բնականաբար իր անդրադարձումը գտավ նաև նրա ստեղծագործության մեջ։

Հայրենական պատերազմի ժամանակամիջոցը ինչպես սովետական ողջ րազմազգ զրականության ու նրա ջոկատներից մեկը կազմող սովետահայ զրականության, նմանապես և Գուրգեն Բորյանի ստեղծագործության համար ռառ արեց նոր, առավել բեղմնավոր շրջան։ 1941—1945 թվականներին աշխատելով Անդրկովկասյան ռազմաճակատային թերթում որպես ռազմական հատուկ թղթակից-զրոյ՝ Գ. Բորյանը տպագրել է մոտ 250 բանաստեղծություններ, ակնարկներ և հոդվածներ։ Հիշյալ ժամանակամիջոցում լույս են տեսնում Բորյանի «Մարտիկի երգումը» (1941 թ.), «Կրակի լեզվով» (1943 թ.), «Նրբագր» (1945 թ.) բանաստեղծությունների զրքույկները։ Մոակվածի Գոսլիտիզատի և Հայպետհրատի կողմից

լույս են բնծայվել Բորյանի բանաստեղծությունների ժողովածուները ուսերեն թարգմանությամբ:

Հետպատերազմյան շրջանը եւ Բորյանի համար հանդիսանում է ինտենսիվ ստեղծագործական աշխատանքի ժամանակաշրջան: 1946 թվին նա հրատարակեց «Ծաղկեփունջ» մանկական բանաստեղծությունների ժողովածուն, որը ուշագրավ փաստ էր սովետահայ մանկական գրականության ստպարեզում:

1948 թ. լույս տեսավ Բորյանի բանաստեղծությունների նոր ժողովածուն՝ «Երեանյան լուսարաց» խորագրով:

Իսկապես Բորյանը գրադվում է նաև զրամատուրգիայով: 1947 թ. նա գրում է «Բարձունքներում» հերոսական զրաման, որը բնագրվում է Երեանի Սունդուկյանի անվան Պետական թատրոնում:

«Սովետական հայրենիք»—ահա առաջին խոսքը, որ ղուրս է գալիս տակավին երիտասարդ բանաստեղծի՝ Բորյանի գրչի տակից, սրբազան մի խոսք, որը նրան ներշնչում է մի կենսախինդ հավատ, մի պայծառ լավատեսություն:

Սովետական հայրենիքի հանդեպ տածած որդիական սերը Բորյանի ստեղծագործության մեջ այն կենտրոնաձիգ ուժն է, որի շուրջը հյուսվում են հեղինակի սրտում ծնունդ առնող բոլոր մյուս հույզերը: Հայրենասիրության թեման կազմում է Բորյանի քնարի հիմնական լարը:

Բորյանի ստեղծագործությունների առաջին զրքույկը, լույս տեսած 1937 թվին, բացվում է «Խորհրդային իմ հայրենիք» ոտանավորով:

Քեզ բյուր ողջույն, իմ հայրենիք,
Խորհրդային պայծառ աշխարհ,
Ի՞նչ գավակն եմ հույզերով լի,
Ձայնով հստակ, խոսքով արդար:
Պզան օրեր, կանցնեն հերթով,
Եվ ես հաստատ իմ քնարին,
Պետք է երգեմ հոգով, սրտով
Փառքն ու հմայքն իմ աշխարհի:
Ես տեսնում եմ քո ճամբերում
Հրաշագեղ մի լույս գալիք,
Եվ ես քոնն եմ, քեզ եմ երգում,
Խորհրդային իմ հայրենիք:

«Խորհրդային իմ հայրենիք» ոտանավորում արտահայտված է երիտասարդ բանաստեղծի հավատամքը: Բորյանը մեկ ընդմիջտ իր կյանքը, իր բախտը և իր ստեղծագործությունը կապում է հարազատ հայրենիքի կյանքի ու բախտի հետ, սովետական երկրի առաջ ուղղադիպող պայծառ հեռանկարների հետ:

Սովետական երկրի՝ իբրև աշխարհի ամենաառաջավոր երկրի, աշխատավոր մարդկության միակ հարազատ օրրանի այս գիտակցությամբ էլ պայմանավորվում է սովետական մարդու հպարտությունը՝ սովետական

հայրենասիրությունը: Սովետական հայրենասերի զգացումով, սովետական մարդու հպարտությամբ է ներշնչված Բորյանի «Հրաժեշտի խոսք» բանաստեղծությունը: Այդ բանաստեղծության մեջ սովետական լայնածավալ երկիրը՝ հարավից մինչև հյուսիս՝ Բորյանին պատկերանում է որպես ժողովուրդների մեծ բարեկամության հայրենիք, մի երկիր, ուր թագավորում է հրաշագործ աշխատանքը, ուր դարբնվում է մարդկության բախտն ու ապագան:

Ազատ է երկիրն իմ, երկնի պես անծայր է,
Երկնի պես շողում է օր ու գիշեր,
Քանի որ աշխարհում ամենից պայծառն է,
Կարող ենք, կարող ենք չհիշել:

Բնորոշ է, որ այս բանաստեղծության համար Բորյանը բնարան է վերցրել Մայակովսկու հանրահայտ տողերը:

Главное в нас
Это наша
Страна советов—
Советская стройка
Советское знамя
Советское солнце.

Սովետական երկիրը միակն է աշխարհի վրա իր ժողովրդի ազատ, ունևոր և լուսավոր կյանքով, իր վեհ իդեալներով, իր վառ ու պայծառ հեռանկարներով: Այս խորապես ճշմարիտ համոզմունքից էլ ահա բխում է Բորյանի, իրրև սովետական քաղաքացու, օրինական հպարտության զգացումը:

Հայրենի հող, չկա քեզ պես,
Ուրիշ երկիր չեն ու ազատ,
Դու գուրգուրում, սնում ես մեզ՝
Դու մայր անգին ու հարազատ:
(«Իմ երկրի ուժը»)

Սերը սովետական հայրենիքի նկատմամբ Բորյանի մոտ վեր է ածվում խորը և անկեղծ հիացմունքի, համակում նրա ողջ էությունը և որպես ջերմ ու կենսաթրթիռ զգացում սնում է ու ջերմացնում նրա ստեղծագործությունը:

Բորյանի մոտ հայրենիքի հասկացողությունը ևս կոնկրետ է: Նախ և առաջ այն կերպարանավորվում է սովետական մարդկանց մեջ, իսկ սովետական նոր մարդը, դա՛ նախ և առաջ ազատ ստեղծագործական աշխատանքի մարզն է:

Հոկտեմբերյան Մեծ Ռևոլուցիան ազատագրեց բուրժուական կարգերի կողմից կաշկանդված բազմահազար մասսաների ուժը, նրանց ձեռներեցությունը, աշխատանքը դադարեց տառապանք լինելուց, դարձավ պատվի գործ: Մասսաները լծվեցին ազատ ստեղծագործական աշխատանքի, սոցիալիստական աշխատանքը դարձավ մարդկային անհատականության ակտիվ

դրսևորման միջոցներից մեկը: Բորյանին հուզում և ոգևորում է մասնավորապես սովետական երիտասարդությունը՝ աշխատանքով, սիրով և երազանքներով բովանդակավորված նրա կյանքը: «Երգ դրված մի երեկո՝ ոտանավորը նվիրված է սովետական երիտասարդությանը, այն երիտասարդ հայրենասերներին, որոնց ջանքերով շքեղորեն վերակառուցվել և ծավալվել է նոր Երևանը, հարազատ մայրաքաղաքը:

Հազար աղջիկ, հազար տղա թե թեի,
Նոր խոհերով, այնքան թեթե, գեղանի,
Անոնում են, տես, բյուր շարքերով լուսերես,
Բոցավառում ջահել հողիս հրակեզ:

Բանաստեղծին խանդավառում է այն միտքը, որ ինքն էլ մասն ունի սոցիալիստական նոր Երևանի վերակառուցման գործի մեջ:

Օրորվեցեք, կանաչ ծառեր, ծփանքով,
Օրորվեցեք ձեր հասակով նրբածին,
Ձէ որ այսօր ձեր շարքի մեջ հրճվանքով
Երջանկության չքնաղ ծառը տնկեցի...

Իբրև իսկական սովետական հայրենասեր Բորյանը դաստիարակվել է կոմերիտմիության շարքերում: Կոմսոմոլն ինքը հանդիսանալով ծնունդ սովետական իրականության, միաժամանակ հանդիսանում է պարտիայի ղեկավարությանը և նրա հետ մեկտեղ այդ իրականությունը կերտող երիտասարդ ուժը: Սերը, երախտագիտությունը և պարտավորվածությունը հոմսոմոլի հանդեպ դառնում է Բորյանի հայրենասիրության արտահայտություններից մեկը: «Կոմերիտմիությանը՝ բանաստեղծության մեջ հեղինակը գրում է:

Ուր էլ հասնեմ, ես քոնն եմ,
Քո դավակը անտրտում,
Նոր աշխարհը երգողն եմ
Քո վառ սերը իմ սրտում:
Քո վառ սերը թանկագին,
Փարոսի պես բոցավառ,
Նորավիթիթ իմ երգին
Լույս է տալիս անդադար...

Եթե Բորյանն իրեն պարտավորված է զգում կոմսոմոլի հանդեպ, իբրև նրա սանը, ապա ողջ կոմերիտմիությունը, այդ թվում նաև ինքը անձամբ խորապես պարտական են սովետական հայրենիքին, որովհետև սովետական հայրենիքն է նրանց ծնել, սնել, նրա հետ է կապված նրանց ներկան և ապագան:

Ով է, որ իրեն բարձրացրել է, ներշնչել լարձր հույզեր, ազնիվ փեսմ զաղափարներ, հարցնում է պոետը և պատասխանում.

... Այդ երկիրն է իմ լուսավոր,
Անպարտելի ու փառավոր,
Որին պարտք եմ ես զույգ ձեռքով
Եվ բարձրացող իմ նոր երգով...

Սովետական երկրի և սովետական երիտասարդության փոխհարաբերությունը Բորյանը պատկերացնում է իբրև հոգատար ծնողի և երախտագետ դավակի փոխհարաբերություն:

«Սայլվոր տղա» բանաստեղծության մեջ Բորյանը սովետական մի փոքրիկ սայլվոր տղայի համար այսպիսի «գուշակություն» է անում.

Այսօր փոքրիկ մի մանուկ ես,
Մեր լայն երկրի դալար ճյուղն ես.
Վաղը կերթաս Կարմիր Մոսկով,
Կգաս լեցուն ոսկե խոսքով,
Սայլվոր տղա, հեյ ջան տղա,
Ազատ երկրի, ազատ տղա:

Այստեղ Բորյանը պարզ ու սեղմ մի քանի տողերի մեջ կարողացել է բացահայտել սովետական կարգերի մի կարևոր առանձնահատկությունը, սովետական երկրի՝ ի տարբերություն բուրժուական կեղծ դեմոկրատիզմի՝ իսկական դեմոկրատիկ բնույթը, սովետական հայրենիքի հոգատարությունն ու սերը «հասարակ» մարդկանց նկատմամբ:

Սովետական մարդը իր ուժերն ու կարողությունները անսահմանորեն զարգացնելու հնարավորությունը է օժտված, ուստի և շատ բնական է, որ այսօրվա «հասարակ» սայլվոր տղան, վաղը սովետական կյանքի ոսկի ճշմարտությունները ոսկի խոսքով արտահայտող մեր հայրենիքի անվանի մարդկանցից մեկը կարող է դառնալ:

Բորյանի, իբրև սովետական երիտասարդի, երիտասարդ պոետի կենսախինդ տրամադրությունը, կենսահաստատ աշխարհայացքը իր վաղ արտահայտությունն է գտել նաև նրա բնության երգերի մեջ:

Բնությունը_Բորյանի հուղաշխարհին առատ սնունդ է տալիս: Բորյանի երգած բնությունը արեաշող է ու լուսապայծառ. դա լավատես ու կենսախինդ հոգու ընկալած աշխարհն է՝ ողողված արևի հորդ լույսով, ծածկված վառ կանաչով, գունագեղ ծաղկունքով: Եթե Բորյանը գիշեր է պատկերում՝ հապա այն լուսնկա և աստղալի գիշեր է, որ հեղինակին թվում է որպես լույսերի ծով:

Բորյանի բնության երգերի մեջ հեղինակի համար ամենաբնորոշ օրինակներից մեկն է «Այս առավոտ» բանաստեղծությունը:

Ահա բացվեց անուշ լույսով այս առավոտ,
Այս առավոտ ոսկե արև ինձ ծիծաղեց,
Սիրտս ծփաց, հոգիս գգաց անծիր կարոտ,
Ո՛հ, ինչ քաղցր ես լուսափրփուր իմ առավոտ:

Պատուհանիս դեմ հանդիման մի վառ երկինք
Տենչանքիս պես խորունկ ու վես հուր առավոտ,
Դու ես ժպտում լուսե շրթով ջահել սրտիս,
Ի՞նչ անուշ ես, լուսափրփուր իմ առավոտ:

«Ձմռան ուրախություն» բանաստեղծության մեջ արտահայտություն է գտել հեղինակի՝ իբրև սովետական իրականությանը փարած և իր վիճա-

կից անսահմանորեն զոհ ու երջանիկ մարդու կենսախինդ տրամադրությունը:

Օ՛, իրիկուն ձմռան, տեսիլք դու մարմարե,
Սիրո նման քաղցր, սիրո նման չքնաղ,
Թափիր առատ, թափիր բյուրեղներդ լուսե,
Մեր երջանիկ, խաղաղ կտուրների վրա:

Սովետական գրողի համար ձմեռը, ձյունը, սառույցը դադարել են կյանքի դժնդակությունն արտահայտող, բռնությունն ու բռնակալություններն ալլարանորեն բացահայտող պատկերներ և ալեգորիաներ լինելուց, որովհետև մեզ մոտ վերացել են նման մտապատկերներ ծնող սոցիալական պատճառները, ինչպես և սովետական մարդկանց համար ձմեռը դադարել է աղետ ու արհավիրք համարվելուց:

Այսպես ահա, միանգամայն առողջ սկզբունքներով զրական կյանք մտավ Գուրգեն Բորյանը:

Սակայն, Բորյանի զրական առաջին քայլերը զերծ չէին թերություններից: Հիմնականում այդ թերությունները վերաբերվում էին հեղինակի արվեստին, որը դեռևս պրիմիտիվ էր, ոչ ինքնուրույն: Բանաստեղծը թեև հաջողությամբ լուծել էր ինքնուրույն թեմատիկայի հարցը, սակայն արվեստի բնագավառում նա ապրում էր ուսումնառության չրջան, օգտագործելով Հակոբ Հակոբյանի և Հովհաննես Թումանյանի տրադիցիաները: Եթե քաղաքական մոտիվների մեջ լսվում էին Հակոբ Հակոբյանի խրոխտ և հատու շեշտերը, ապա բնության երգերի ու գյուղական անցյալի պատկերման բնագավառում՝ նկատվում էր Թումանյանի շունչը, բնության վեհության թումանյանական զգացումը: Չափազանց զրական էր անշուշտ այն փաստը, որ բանաստեղծն իր զրական ուսումնառության բնագավառում կանգնած էր առողջ ուղու վրա, օգտագործելով մեր անցյալի պոեզիայի երկու խոշորագույն դեմքերի, բառիս իսկական իմաստով ժողովրդային արվեստի երկու լավագույն ներկայացուցիչների տրադիցիաները:

Ավելի խորն ու սկզբունքային էր Բորյանի վրա Մայակովսկու ազդեցությունը: Սովետական մարդու հպարտության զգացումը, կապիտալիստական աշխարհի համեմատ սովետական երկրի բացառիկության և հակադիր բնույթի գիտակցումը, որ հանդիսանում են Բորյանի ստեղծագործության իդեալական հիմքերը, իրենց սկիզբն են առնում սովետական դարաշրջանի մեծագույն բանաստեղծ Մայակովսկու ստեղծագործությունից: Մայակովսկու պոեզիայի մեջ էր, որ առաջին անգամ բանաստեղծական վառ արտահայտություն ստացավ սովետական մարդու գիտակցությունը իր հայրենիքի, սովետական սիստեմի և այդ սիստեմը կերտող մարդկանց գերազանցության մասին, այլ խոսքով ասած, սովետական պատրիոտիզմի մասին:

Բորյանը միանգամայն սթափ էր նայում իր արվեստի անկատարությանը, նա լրիվ չափով իրեն հաշիվ էր տալիս այն պատասխանատվության մասին, որը դրվում էր իր վրա իրրև ստեղծագործողի: Բորյանը խորապես գիտակցում էր, թե որքան բարձր է սովետական ընթերցողների քաղաքական գեղարվեստական պահանջը և թե զեռ որքան նա պետք է տքնի այդ պահանջը բավարարելու համար:

Բանաստեղծի երազանքները կապված ստեղծագործական բարձր նվաճումների հետ, վառ արտահայտություն են գտել նրա «Ծովը առավոտյան» և «Ծովափին» ոտանավորներում:

Ծով ալեգորիայով պոետը պատկերացնում է կյանքը՝ անհուն և անեղրական: Բսկ կյանքը ճանաչելու, նրա իմաստությունն ու անհունությունն ընդգրկելու համար հեղինակը գիտակցում է, որ պետք է մշտապես ունենդրել նրա ձայնին:

«Ծովը առավոտյան» բանաստեղծության մեջ պոետը դիմելով ծովին, գոչում է.

Տուր անհունություն, որ իմ երգերով
Թափանցեմ հզոր չրերիդ խորքը...

«Ծովափին» բանաստեղծության մեջ հեղինակը գրում է.

Խոր մանկությունից երազել եմ ես
Ունենդրել ծովի խուլական երգին,
Անծայր ջրերի ծփանքների պես,
Ծով իմաստությամբ լցնել իմ հոգին:

և ապա.

Թեև եմ առնում իմ փնտրող հոգին,
Այս կապույտ ծովի անվրդով ափին
Ու թվում է ինձ երգերիս վրա,
Իջնում է պայծառ, նրբակերտ արփին:

Եվ այսպես, իր ստեղծագործական առաջին իսկ քայլերից հեղինակը հանդես է բերում մի չթուլացող զգոնություն, որը բանաստեղծի մեջ նստած, միշտ արթուն կերպով հսկում է, որպեսզի նրա մոտ չնվազի պատասխանատվության գիտակցությունը, չփոսացվեն արվեստի բարձր պահանջները, և, որ ամենագլխավորն է, որպեսզի նա մշտական սերտ կապի մեջ լինի կյանքի հետ:

Իր բանաստեղծությունների երկրորդ ժողովածուն Դուրգեն Բորյանը վերնագրել է «Ճանապարհ դեպի ծով», հասկանալով այդ անշուշտ այն իմաստով, որ նա ստեղծագործորեն արդեն աճել է, կամ գտնվում է աճման ճանապարհին: Հիրավի, Բորյանը իր նոր գրքով շարունակելով նախորդ գրքի իդեալես և արվեստով միանգամայն առողջ տենդենցները, ձգտում է արտահայտչական ավելի բարձր ձևերի, ինչպես և առավել լայն թեմատիկ ընդգրկման:

Բանաստեղծը հարստանում է կենսափորձով, առավել խորն է ըմբռնում սովետական կյանքի աննախընթաց պատմական նշանակությունը, մարդկության պատմական առաջընթացի մեջ սովետական մարդկանց իրեն կոմունիզմի կերտողների պատմական մեծագույն միսիան:

Այն, ինչ որ դարերի ընթացքում առաջավոր մարդկությունը երազել է, որին, սակայն, նա չի հասել, ահա այդ բազմադարյան երազանքը կյանքը երկրի վրա երջանիկ դարձնելու մասին, բանաստեղծը իրականացած է տեսնում սովետական հայրենիքում, սովետական մարդկանց ձեռքով:

Սովետական երկրում վերացվել է սոցիալական չարիքը: Սովետական աշխարհը դարձել է լիություն և առատություն աշխարհ, երջանիկ մարդկու-

թյան հայրենիք: Բանաստեղծի Վիտեթյան երգը՝ սովետական երջանիկ կյանքին նվիրված մի ներբող է:

Անցնում եմ սհա մեր լայն դաշտերով,
Արևն է շողում երկնի կապույտից,
Եվ թեպետրված հաղար իղձերով
Ծփում է սիրտս սիրուց, կարոտից:
Եսում եմ հասկի շշուկն հարազատ
Եվ արոտների սոսափյունը մեղմ,
Հայրենի երկիր, հող դու իմ ազատ
Քո շունչն եմ զգում, քո բույրն ամեն տեղ...
... Երկինքը պայծառ կապել է կամար
Շեն է աշխարհն իմ, հողը ու ջահել,
Շողա, լույս սփռիր դու. հավետ անմար,
Մեր սովետական կենսատու արև:

Այնուհետև Բորյանը, իրրև հայ ժողովրդի դավակ, մի ուրիշ երջան-կություն էս ունի, կապված սովետական բաղամաղ ժողովուրդների մեծ և համերաշխ ընտանիքում հայ ժողովրդի դարավոր երազանքների և իղձերի իրականացման հետ: Այստեղից էլ Բորյանի, իրրև սովետահայ բանաստեղծի զգացումն իր հայրենիքի և ժողովրդի հղորության, նրա ուժի ու անպարտելիության մասին, քանի որ Բորյանի ժողովուրդը և հայրենիքը ոչ թե նախկին միապետական Ռուսաստանի հետամնաց ծայրագավառում կուչ եկած ճնշված և անպաշտպան երկիրն ու ժողովուրդն է՝ Վերջ հայ ազգը, այլ մարդկության բախտը դարձնող սովետական ժողովուրդների մի մարտական ջոկատը, սովետական մեծ ընտանիքի բաղկացուցիչ մասը:

Եթովք Հայաստանի՝ բանաստեղծության մեջ Բորյանը գրում է.

Եվ ոչ մի Բել, ոչ մի Կյուրոս,
Ոչ մի Լուկուլլ, կամ թե Դարեհ,
Ջեն հանգզնի լկտի գոռոզ,—
Քո սահմանները պաշարել.
Քանդի հողը եղբայրներիդ
Անհուն սիրով անդավաճան,
Ազատ ես դու և երջանիկ,
Բու նորաստեղծ իմ Հայաստան:

Ի տարբերություն հայ անցյալ դրականության, սովետահայ գրականության և դրդի համար վերացել է ազգային վշտի մոտիվը, մի մոտիվ, որ մեր անցյալ գրականությունը հաճախ դարձնում էր արցունքոտ:

Պատկերելով սովետական հայրենիքի մեծ հաղթանակները, նշմարելով ասպագայի պայծառ հեռանկարները, երգելով սովետական ժողովուրդների, ինչպես նաև հարազատ հայ ժողովրդի և վերջապես իր, իրրև սովետական անհատի երջանիկ կեցությունը, Բորյանն ընդգծում է պարտիայի ղեկավար գերը, իր հայացքն ուղղում Կրեմլին, որտեղից ծնունդ են առնում կոմունիզմի կառուցման մեծ գործի հետ կապված բոլոր իմաստուն գաղափարները: Ինչպես սովետական յուրաքանչյուր քաղաքացու, այնպես

էլ Բորյանի համար Կրեմլը հանդիսանում է մեր հաղթանակների սիմվոլը, այնտեղ է ժողովուրդների մեծ առաջնորդը՝ Ստալինը, այնտեղ է դարձնում մարդկության ներկան և ապագան:

Եվ նայում եմ երջանկությամբ լուսարեր
Ես Կրեմլի աշտարակին անդադար,
Այդ իմ աստղն է և ձեր աստղը, ընկերներ,
Որ շողում է և կշողա դարեդար...

(«Մեր աստղը»)

Բորյանը գալիքը պատկերում է էլ ավելի լուսապայծառ, էլ ավելի հրաշալի, ուստի և նա անդուսպ մի տենչանք է արտահայտում գալիքի նկատմամբ, երազում տեսնել այդ «հրաշք ու նոր աշխարհը»:

Այս դետի մեջ մի կաթիլ,
Մի կաթիլ ես լինեի,
Կյանքի ուրախ մեր ավից —
Գեթ կաթիլ ես լինեի,
Ժամանակի հորդահոս
Ալիքներն ինձ տաներն
Տաներն ու հանձներն
Հրաշք ու նոր աշխարհին...
Որ տեսնեի մի վայրկյան
Դարերի իղձը անշեջ:
Անէանար թող այնժամ՝
Կյանքս այդ նոր դետի մեջ:

(«Մի կաթիլ ես լինեի»)

Ապագայի հանդեպ ներկա սերնդի վառ հավատով և պարտքի վեճ դիտակցությամբ է տողորված նաև Բորյանի «Երդ ժամացույցի մասին» բանաստեղծությունը:

Ոչ հայ և ոչ էլ համաշխարհային գրականության համար նորություն չէ այսպես կոչված «ժամացույցի մոտիվը»: Անցյալի անհեռանկար ու հոռետես բանաստեղծները ժամացույցի միջոցով երգել են աշխարհի ունայնությունը, կյանքի անցողիկ լինելը, ժամանակի անսահմանության մեջ մարդկային կյանքի ակնթարթային բնույթը, մարդու մահվան դատապարտվածությունը և այլն: Այլ կերպ է, սակայն, սովետական պոետն ընկալում ժամն ու ժամանակը: Նա վախ չունի ժամանակից, որովհետև մարդն իշխում է ժամանակի վրա, ժամանակը ծառայում է նրան, նրա վեճ իդեալներն ու այդ իդեալների առարկայական արտահայտությունը հանդիսացող սովետական իրականությունը անմահ են: Կոմունիզմի մեծ զործին նվիրված սովետական մարդու համար ապագան նույնքան ռեալ է ու շոշափելի, որքան նրան շրջապատող առօրյան: Բորյանը դիմելով «ժամանակի անդուլ զինվորին» — ժամացույցին, ասում է.

Ասա դու ինձ, ժամանակի
Ճամբով անցած անդուլ զինվոր,

Տեսե՛լ ես դու կյանք մի ուրիշ
Այսքան ազատ ու բախտավոր,
Եվ ասա ինձ, որ քո երթով
Պիտի քայլես դեպ ապագան,
Ե՞րբ են եղել ժամն ու րոպեն
Այնքան վե՛հ ու նվիրական:

Պոետը խորապես համոզված է, որ գալիք մարդը ժամացույցի զարկերի մեջ պիտի զգա այսօրվա սովետական մարդկանց սիրտն ու հոգին, որովհետև սովետական մարդկանց սիրտն ու հոգին բաբախում են դարերի հետ խոսող մեծ գործի համար, գալիք սերունդների համար.

Պատմիր գալիք մարդուն ջահել
Ո՞վ ժամացույց, դարկով համառ,
Թե ինչպես ենք մենք կյանք կռել
Ժողովրդի բախտի համար,—
Եվ մեր դարից վառ ու անշեջ,
Որպես նվեր,— սիրով անդին,
Նա կգտնի զարկերիդ մեջ,
Մեր բոցավառ սիրտն ու հոգին:

Այս շրջանում Բորյանի թեմատիկան հարստանում է նոր մոտիվով՝ սիրո մոտիվով:

Սովետական կյանքին փարած մարդու և պոետի զգացմունքները վառ արտահայտություն են գտել նաև նրա սիրո լիրիկայում: Առողջ և բարձր բարոյականությամբ օրինակ հանդիսացող սովետական երիտասարդի համար սերը ոչ տառապանքի աղբյուր է և ոչ էփանազին հաճույքի միջոց. այն մի բարձր զգացմունք է, որ ընդունակ է մղում տալու մեծ ու ազնիվ գործերի: Այդպիսին է Բորյանի երգած սերը: Սոցիալական առողջ, իդեալական բովանդակությամբ և հասարակականորեն օգտակար մի զգացում է այն:

Բորյանի մոտ արտահայտություն գտած երջանիկ սիրո մոտիվը դա նրա սովետական կյանքից բավարարված լինելու երջանիկ զգացման, կյանքի հանդեպ ունեցած անսահման սիրո արտահայտություն եղանակներից մեկն է: Բորյանի սիրային լիրիկայի բնորոշ նմուշներից մեկն է «Կանգ առ վայրկյան, էլ մի անցնի» բանաստեղծությունը: Բանաստեղծն իր սիրածի ներկայությունից անհունորեն իրեն երջանիկ է զգում, ոչ ինչ չի խափանում սիրահարների ուրախությունը, ոչ ինչ չի սպառնում նրանց բախտին. այս է պատճառը, որ նրանք տենչում են, որպեսզի անհունորեն երկարի ժամադրության պահը, դառնա անվերջ ու հավերժ.

Սիրտս բացել աշխարհի դեմ, ինչպես արփին շռայլածին,
Նստել եմ ես սիրածիս հետ, կանգ առ վայրկյան, էլ մի անցիր:

Էս իրիկուն կարծես տերն եմ հար զնգացող տիեզերքիդ.
Հավերժ լինես հրաշք վայրկյան, էլ մի անցիր, էլ մի անցիր:

Մարդկայնորեն ազնիվ և բարձր այդ զգացման դեղեցիկ արտահայտություններից են նաև Բորյանի «Վայրի վարդեր», «Հավերժական երգ», «Այս ճանապարհը անվերջ լիներ», «Նորք», «Ոչինչ, ոչինչ չեմ մոռացել» բանաստեղծությունները:

Դուրդեն Բորյանն իր ստեղծագործության մեջ երգելով սովետական մեծ առօրյան իր աշխատանքային պաթոսով, սովետական մարդկանց վեհ ձգտումներով և խիզախ ձեռնարկումներով, պայքարով ու սիրով, չի մոռանում, սակայն այն փաստը, որ հարադատ հայրենիքը գտնվում է կապիտալիստական դիշատիչների շրջապատում: Հայրենիքի հողի սրբազանության և անձեռնմխելիության դադափարը, սովետական պետականության պաշտպանության հարցը սովետական մարդկանց համար կյանքի և մահու հարց է: Կենսական այդ շահագրգռվածությամբ էլ պայմանավորվում է նրանց վճռականությունը անհրաժեշտության դեպքում աշխատանքային գործիքը զենքով փոխարինելու...

Բորյանի «Սովետական օդաչուների երգը» բանաստեղծությունը դալիք պատերազմի նախազգացման արգասիք է:

Իսկ թե մութ ամպերը կուտակվեն,
Եթե սև թշնամին մահ գութի,
Կենենք վեր մենք խիզախ, անձնվեր,
Կսարսի թշնամին մեր ուժից:
Պատրաստ ենք քո կոչին Առաջնորդ,
Որդիքդ անբաժան քեզանից,
Զի առնի թշնամին ոչ մի օր
Ո՛չ մի թիզ մեր ազատ երկնքից:

* * *

Հայրենական պատերազմի մեծ և ահեղ օրերը Բորյանն ընդունեց միանգամայն նախապատրաստված թե՛ իրրե պոետ և թե՛ որպես զինվոր: Բորյանի «Սովետական օդաչուների երգը» և «Ամպրոպ» բանաստեղծությունները մի տեսակ կամուրջ էին հանդիսանում հեղինակի նախապատերազմական և պատերազմական շրջանի ստեղծագործությունների միջև:

Հայրենակիսն պատերազմի տարիներին սովետական դրականությունը բուռն դարդացում ապրեց: Բորյանի ստեղծագործությունը այդ երևույթի ակնառու ցուցանիշներից մեկն է:

Բորյանի հայրենասիրական խոսքը պատերազմի օրերին հնչում է նոր ուժով: Հայրենիքի սերը կլանում է նրա ողջ էությունը, կյանքը և մահը իմաստավորվում են հայրենիքի հետ կապված, նրանով պայմանավորված:

Պատերազմի ժամանակաշրջանում զրված Բորյանի սամրող ստեղծագործությունը շաղկապված է մի միասնական դադափարով՝ ֆաշիզմի դեմ մղվող մեր ժողովրդի հերոսական պայքարի հաղթանակի հավատով: Բանաստեղծի այդ հավատը սնունդ է առնում կյանքից, արտահայտում է սովետական ժողովրդի խոր համոզմունքն իր վերջնական հաղթանակի նկատմամբ: Թշնամու նկատմամբ բանաստեղծի կատաղի ատելությունը ծնունդ է ստանում հարադատ հայրենիքի հանդեպ ունեցած անհուն սի-

րուց: Որքան խորն է սիրում հարազատ հայրենիքը, այնքան նա խորն է ատում նենգամիտ թշնամուն, այնքան ցասումնալի է դառնում նրա բանաստեղծական խոսքը:

Պատերազմական ժամանակաշրջանի Բորյանի բանաստեղծությունների առաջին զրքույկը «Մարտիկի երգումը» խորադրով, լույս տեսավ 1941 թվականին: Գրքույկը բաղվում է «Ստալինի կոչը» բանաստեղծությամբ: Հեղինակը լսել է մասսաներին ոտքի հանող և գոտեպնդող Առաջնորդի խոսքը և թշնամու վախճանն ազդարարող այդ ահեղ խոսքով խանդավառված՝ նա դալիք հաղթանակի ցնծությունն է ապրում:

Բորյանը ցույց է տալիս մեր բազմազգ հայրենիքի միասնականությունը, սովետական ժողովուրդների նպատակների ընդհանրությունը, նրանց համախմբվածությունը մեծ Առաջնորդի շուրջը:

Եվ պատասխանեց երկիրն հայրենի
Իր առաջնորդի մարտական խոսքին,—
Անծայր դաշտերից և հովիտներից,
Բարձր լեռներից և ծովափերից,
Քաղաքից, գյուղից բարձրացավ վսեմ
Անհուն և անափ ալիքը սիրո,
Եվ ցասման ոգին, բազուկը հզոր
Ընդդեմ դավադիր արնոտ թշնամու:

Ոտքի կանգնած բազմամիլիոն սովետական մարդկանց արդար ցասումն է, որ հանդիսանում է երաշխիքը դալիք մեծ հաղթանակի:

«Հաղթանակը մերն է, ընկերներ» — այսպես է վերնագրել Բորյանը իր բանաստեղծություններից մեկը: Բանաստեղծը այսպես է համոզված, որովհետև նա գիտե, որ իր ժողովուրդը, Կարմիր Բանակը, դենք են վերցրել արդար գործի համար, նրանք հանդես են եկել կառարելու ազատագրական մեծ դեր, իրենց մեջ դալով բարոյական մեծ, անպարտելի ուժ:

Ձկա աշխարհում քո ժողովրդի
Ուժին հանդիման և ոչ մի պատվար,
Կըղնանք գրոհ, կըղնանք մարտի,
Հայրենի երկիր — միայն քեզ համար:
Դու — բարձր ու վսեմ, դու արեգական,
Դու, որ տալիս ես մարդուն կուռ թևեր,
Ձի պակսի, մայր իմ, քո հողից անգամ
Գարնանը ծլած և ոչ մի տերև:

Իր կրծքի տակ դալով միլիոնավոր սովետական մարտիկների սրտի բարախը՝ Բորյանը նրանց անունից հանդիսավոր երգում է տալիս հայրենիքին.

Լինել անհողդողդ, լինել աննահանջ,
Եվ կուռ ստալինյան պողպատ գնդերով
Թշնամու վրա անհաղթ արշավել,
Եվ հաղթանակի բյուր դափնիներով
Քո հպարտ ու սեզ ճակատն համբուրել:

Հաղթանակի նույնպիսի անկեղծ հավատով է տոգորված «Տար մեզ Ստալին, դեպ վերջին կոնվ» բանաստեղծությունը։ Այն փաստը, որ սովետական զորքերին Ստալինն է առաջնորդում դեպի մարտ՝ ինքնըստինքյան զրավական է մեր հաղթանակի։

Հայրենական պատերազմի մարտական առաջին իսկ օրերին Բորյանի «տեղծագործությունը տվեց հերոսական այդ օրերին համապատասխան խրոխտ երկեր, որոնք իրենց մեջ պարունակում էին ժամանակի ռազմաշունչ ոգին։

Ռազմաճակատում Բորյանը տեսնում է մեծ և ահեղ այդ օրերի հերոսներին, մարդկանց, որոնք իրենց ուսերի վրա տարան պատերազմի ահավոր ծանրությունը, որոնք իրենց կյանքի գնով ձեռք բերեցին հաղթանակը։

«Պատասխան» ոտանավորում նկարագրվում է, թե ինչպես քաղղեկ Բելովը ծանր վերք ստացած պառկած է ըլինդաժում, որին, սակայն, սեփական ցավը հայրենիքի մեծ սիրո առաջ չափազանց դժգույն է թվում։

«Աղջկան, որի մաղերը ճերմակել են» ոտանավորում Բորյանը պատկերում է վառվռուն մի սովետական աղջկա, որի մաղերը պատերազմի արհավիրքի օրերին վշտից ճերմակել են։ «Տանջանքի ե ցավի ձմեռը խստասիրտ», ասես ձյուն է մաղել նրա գլխին։ Երեկ, սակայն, այդ աղջիկը «Մայիս էր, վառ զարուն» ե «Վիշտը չէր անցնում նրա տան դռներով»։

«Տունը» բանաստեղծության մեջ Բորյանը նկարագրում է մի իսկական սովետական հայրենասերի՝ մի պառավ կնոջ, որը թշնամական բանակի առաջխաղացման հետևանքով ստիպված պետք է թողներ իր տունը, սակայն չկամենալով թեկուզ ժամանակավորապես թողնել այն թշնամուն՝ հրդեհում է։

Այրվիր, մինչև վերջ, հայրենի տնակ,
Այրվիր... մոխիրդ թող սառնի քամին...
Թե չեմ ապրելու ես իմ հարկի տակ,
Զպետք է ապրի և չար թշնամին։

«Անմահություն» բանաստեղծության մեջ նկարագրում է պատերազմի նահատակներից մեկի, մի հերոսի հուղարկավորությունը.

Առանց արցունքի, բայց լացող սրտով,
Երանք հերոսին հողին հանձնեցին
Եվ գերեզմանին հրե տառերով
Զինակիցներն այսպես գրեցին.
«Ննջում է այստեղ քաջը լուսանուն,
Որ կյանքը դո՛ւնց իր հայրենիքին
Մեղ այս շիրիմից մահը չէ նայում,
Այլ անմահության հավերժող ոգին։

Հայրենիքին զոհված հերոսի համար չկա մահ, նա անմահ է, կրկնում է Բորյանը, հաղարամյա վաղեմիություն ունեցող, սակայն հավետ թարմ ու ճշմարտացի այս իմաստությունը։

«Քույրը» բանաստեղծության մեջ Բորյանը պատկերում է արի ու անձնազոհ ճակատային մի քրոջ։ Նրա հոգատարությունը մարտիկների նկատմամբ այնքան ջերմ է, անմիջական և անկեղծ, որ հեղինակին թվում

է. թե սովետական այդ տղջկա մեջ իր վաղուց մեռած հարազատ քույրն է վերակենդանացած:

Դուքս է հարազատ

Կորցրել էի, բայց սորից դտա...

Բորյանի բանաստեղծական խոսքը հնչում է է՛լ ավելի ուժղին, երբ Ստալինդրադի պատմական մեծ և հաղթական ճակատամարտից հետո հիմնովին փոխվում է պատերազմի ընթացքը, երբ թշնամին Կարմիր Բանակի ջախջախիչ հարվածների տակ ստիպվում է թողնել ժամանակավորապես գրավված քաղաքներն ու ավանները: Սկսվում է Սովետական Բանակի հաղթարշավը մինչև Բեռլին: Այդ օրերին բանաստեղծը մի վառ տենչ ունի, մի բուռն ձգտում, ստեղծագործությամբ հետ չմնալ սովետական զորքերի հաղթական երթից, կարողանալ արտահայտել այդ վեհ ու խանդավառ օրերի պափոսը:

Այդ շրջանում են ստեղծվում նրա մի շարք լավագույն բանաստեղծությունները՝ «Կովկասի գավալեններին», «Ելիր Ուկրաինա», «Կիև», «Երգ Սևաստոպոլի գրավման», «Զրույց իմ դստեր հետ», «Մեր հաղթանակն եմ ես երգում», «Կամ վահանով, կամ վահանին», «Հայրենիք», «Երգը» և այլն:

Հայրենական պատերազմի 5 ծանրագույն տարիներին սովետական մարդկանց գործադրած հերոսական ջանքերը, նրանց անձնազոհ պայքարը ճակատում և թիկունքում, մարդկային մեծ զոհերն ու անասելի զրկանքները ասլարդյուն չանցան:

Ֆաշիզմը ջախջախվեց, մարդկությունը փրկվեց կործանումից, իսկ սովետական ժողովրդի այդ սխրագործությունն էլ ավելի բարձրացրեց նրա հեղինակությունը աշխարհի առաջավոր մարդկության աչքին:

Սակայն Բորյանը խաղաղության օրերին ճառագող արևը տեսնում էր դեռևս պատերազմի մրրիկների մեջ, նախաճաշակելով այն երջանկությունը, որ սպասվում էր հետպատերազմյան շրջանի խաղաղ ստեղծագործական օրերին:

Բորյանի հետպատերազմյան ստեղծագործության ոգեշնչողը նորից սովետական մարդն է, հերոսական այն ժողովուրդը, որ անցնելով Հայրենական մեծ պատերազմի դարձնոցով, է՛լ ավելի վեհացավ, է՛լ ավելի գեղեցկացավ, էլ ավելի հերոսացավ: Իր գրչակից և դինակից ընկերոջը՝ մարտիկ գրող Գ. Սևունցին նվիրած «Վերադարձ» ոտանավորում Բորյանը գրում է.

Ծերացել ենք մի փոքր՝ և՛ ես և՛ դու

Անչափ դժվար էր ուղին, ճամբան անցած,

Բայց երբ, երբ ենք եղել ասա, այսքան խնդուն,

Այսքան հպարտ, հզոր, ջանելացած...

Բորյանի այս նոր, էլ ավելի վառ, ավելի պայծառ տրամադրությունը, նրա մեծ հավատը սովետական երկրի՝ մեծ ու պայծառ ապագայի հանդեպ, իր լիարյուն արտահայտությունն է դտել նրա «Երևանյան լուսաբացը» բանաստեղծության մեջ:

Թող իմ երգն էլ դառնա ընկեր ճանապարհիդ,
Դու ձգտում ես դեպի վեհն ու երազածը,
Թող հուրհրտ, շողա գտլիք սերունդներին՝
Երևանյան անմար լուսաբացը...

Հետպատերազմյան շրջանի մեր պայծառ և կենսալի առօրյայով են ներշնչված նաև Բորյանի «Արուվյանի ծառերը», «Երևան», «Իմ տունը», «Հայրենիքի կանչը» և այլ բանաստեղծությունները:

Բորյանն ինքնուրույն գործերի հետ մեկտեղ տվել է նաև հաջող թարգմանություններ, ինչպես ռուսական, վրացական և համաշխարհային կլասիկներից, այնպես էլ ռուսական, ուկրաինական և բելոռուսական սովետական անվանի գրողներից: Ուշագրավ են Դյոթևից, Լերմոնտովից, Ծերեթելից, Մայակովսկուց, Յա. Կուպալայից, Սիմոնովից, Սուրկովից և Կուլիշովից կատարված մի շարք թարգմանություններ:

Բորյանն ունի սովետական գրողի համար ամենակարևորը՝ նորի զգացումը, սովետական մարդու հարազատ հուզաշխարհը, որ և երաշխիք է ստեղծագործական այն նոր նվաճումների, որի ձգտումը միշտ վառ է բանաստեղծի մոտ:

Իր առաջին գրքից մինչև վերջին գիրքը, Բորյանը զգալի աճ է ունեցել: Բանաստեղծի արվեստը հասունացել է, դառնալով ինքնուրույն: Այդ հասունության կարևոր արտահայտություններից մեկը հեղինակի լեզվական կուլտուրան է: Բորյանի լեզուն աչքի է ընկնում իր բառային հարուստ ատաղձով: Բորյանի պոեզիան հարուստ է, գունեղ և արտահայտիչ պատկերներով ու էպիտետներով, ինչպես նաև պոետական ինքնատիպ մտահղացումներով և գյուտերով: Բորյանի պոետական արվեստի առանձնահատկություններից են հրապարակախոսական պաֆոսը, անմիջականությունն ու անկեղծությունը, հեղինակի խորը համոզվածությունը, հանգամանքներ, որ նրա խոսքին տալիս են ներգործող ուժ, նրա բանաստեղծությունները դարձնում ջերմ ու հուղական:

Սակայն չնայած այս ակնհայտ առավելություններին, Բորյանի արվեստը դեռևս հեռու է բարձր ու կատարյալ լինելուց: Հեղինակը համառորեն պիտի աշխատի իր բանաստեղծությունները պարզ ու հստակ դարձնելու ուղղությամբ: Բորյանի ոտանավորները հաճախ ծանրամարտ են, խճողված, միշտ չէ, երբ հեղինակին հաջողվում է պոետական սեղմ ու արտահայտիչ պատկերների միջոցով ընթերցողին հասցնել իրեն հուզող բղևան:

Ռեալիստական պարզ ու արտահայտիչ խոսքը հաճախ փոխարինվում է փբուն, վերամբարձ խոսքով, որի հետևանքով ոտանավորը վեր է ածվում սովորական ճառի: Վերոհիշյալ թերությունն իր հետ անխուսափելիորեն բերում է մի այլ թերություն, դա խոսքի առատությունն է ի հաշիվ բանաստեղծական պատկերների և էպիտետների: Բորյանը երկարաբան է: Նա պետք է համառորեն ձգտի լակոնիզմի, որը բանաստեղծական խոսքը առավել սուր, նպատակային ու գիպուկ դարձնելու կարևոր պայմաններից մեկն է:

Գուրգեն Բորյանը զբաղվում է նաև մանկական գրականությամբ: Ամենաարժեքավորը Բորյանի մանկական բանաստեղծությունների մեջ—

դա նրանց թեմատիկ թարմությունն է, երեխաների ըմբռնումները, հոգեբանություն, հետաքրքրությունների ու զբաղմունքների տեսակետից այդ ոտանավորների կենսաթրթիո լինելը:

Բորյանի ոտանավորների թեման բազմազան է, ինչպես բազմազան են մանուկների բնավորությունները, հետաքրքրությունները, նրանց շրջապատող երևույթները, նոբ սերնդի զաստիարակության հարցերը և այլն:

Իր մի չարք բանաստեղծություններում՝ «Դենպոլում», «Ես և արձագանքը», «Քամի», «Ծառերի օրորը»՝ հեղինակը միանգամայն ինքնատիպ կերպով, երեխաներին հասկանալի միջոցներով պատկերում է նրանց շրջապատող երևույթները, ելակետ ունենալով մանկական աշխարհայացքը, այդ երևույթների մասին մանուկների պատկերացումները:

«Եղևնի», «Դետակ», «Ուշ աշուն», «Ձմռան երգ», «Ծիտը», «Խելոք տղան», «Ծիծեռնակ» և այլն ոտանավորներում Բորյանը ձգտում է երեխաների մեջ սեր և հետաքրքրություն արթնացնել ղեպի բնությունը, կարեկցանք և հոգատարություն առաջացնել թռչունների նկատմամբ: Այնուհետև, որոշ ոտանավորների միջոցով Բորյանը զարգացնում է երեխաների դիտողունակությունը (սեկարը): Հորինում է դվարձալի ու շատ կողմերով ուսանելի խաղ-ոտանավոր (սեկական երկաթուղին):

Իր մանկական բանաստեղծություններում Բորյանը հատուկ ուշադրություն է դարձնում երեխաների բնավորության կրթությանը: Նա ծագրում է լավան, փնթի, կամակոր երեխաներին՝ հակադրելով նրանց խելացի, մաքրասեր, կենսուրախ երեխաներին (սեկ նման, «Հայելի», «Հակառակ տղան»): Բորյանը երեխաների մեջ զարգացնում է ծնողների հանդեպ երախտագիտության զգացումը (սեկ մայրիկը): Երախտագիտություն, սիրո և անձնվիրության զգացումով է ներշնչում Բորյանը երեխաներին՝ հանդեպ Լենինի և Ստալինի՝ որպես նրանց երջանիկ կյանք պարզեցնելու (սեկ կեկեկում), «Լենինը և Նինելը»):

Բորյանի մանկական բանաստեղծությունների մեջ հանդես են գալիս սովետական երջանիկ, կենսախիղ մանուկները, սիրով, հոգատարությամբ և զուրկությունից շրջապատված մատաղ սերունդը:

Բորյանը ցուցաբերել է իրեն նաև որպես շնորհալի զրամատուրդի Նրա «Բարձունքներում» հերոսական զրաման Հայրենական պատերազմի թեմատիկայով գրված, աչքի ընկնող երկերից մեկն է սովետահայ զրամատուրդիայում: «Բարձունքներում» զրաման հանդես եկավ այնպիսի մի ժամանակ, երբ մեր ինքնուրույն զրամատուրդիայի առաջ պատվավոր խնդիր էր գրված զրական-ղեղարվեստական այդ ամենաբարդ և զգվարին ժանրի միջոցով ցույց տալ սովետական ժողովրդի, մասնավորապես նրա փառապանծ բանակի հերոսական պայքարը ընդդեմ ֆաշիստական դավթիչների:

Լիրիկ բանաստեղծ Բորյանի զրամայի ժանրին պիմելը բոլորովին էլ պատահական երևույթ չէր: Դա պայմանավորված էր նրա իրրև մարտիկ վրոդի պատերազմի տարիներին ձեռք բերած այն կենսավործով, այն բազմահարուստ տպավորություններով, սովետական ժողովրդի պատմության աննախընթաց ծանր ու հերոսական ժամանակների հետ կապված այն ապրումներով ու խոհերով, որոնք բնականաբար պետք է իրենց արտահայտությունը գտնեին զրական երկի որևէ ծավալուն ժանրի մեջ: Դրամա-

տիկական ժանրը լինելով ամենաբարդ ժանրը, մյուս կողմից առավել խոսուն, անմիջական և մասսայական մի ժանր է, որը և մեծ հնարավորութիւն է ընձեռնում հեղինակին անմիջական կոնտակտի մեջ մտնելու լայն առկիտորիայի հետ, բաժանելու նրա հետ իր հույզերն ու խոհերը:

Հեղինակն իր դրաման անվանում է հերոսական: Դրամայում պատկերվող դեպքերը իրոք հերոսական են: Հեղինակը տալիս է Հայրենական պատերազմի մեծ և աշխարհացունց դեպքերից միայն մի դրվագ, սակայն այդ մի դրվագում նա կարողանում է խտացնել հիմնականը, տիպիկականը, որով և նրան հաջողվում է ճշմարտացի կերպով բնութագրել հայրենիքի համար զենք վերցրած սովետական մարդկանց:

Ինչ առանձնահատկութիւններով են բնութագրվում Բորյանի դրամայում սովետական մարդիկ, ինչու՞մն է նրանց ուժի, հզորութիւն և անպարտելիութիւն զազտներիքը: Այդ տեղադրությունը՝ այն բարձրագույն բարոյականութիւն մեջ է, որը հատուկ է միայն և միայն սովետական մարդկանց: Իսկ սովետական մարդկանց բարոյականութիւն հիմքում ընկած է նախ և առաջ նրանց անձնվեր հայրենասիրութիւնը: Սովետական հայրենասիրութիւնը այն հզորագույն ուժն է, որ բոլոր ազնիւ սովետական մարդկանց տոգորում է մի գաղափարով, մի ոգով, մի միասնական ձգտումով: Խաղաղութիւն տարիներին բաղձալից ու բաղձալից սովետական մարդկանց միասնականութիւնը արտահայտվում էր շինարարական այն վիթխարի զործունեությամբ, որը հատուկ է սոցիալիզմի երկրին, Հայրենական պատերազմի ժամանակամիջոցում, այդ միասնութիւնը վերածվեց մի հզորագույն ուժի, որը խորտակելով թշնամուն, ճանապարհ հարթեց սովետական և ղեմկրատական երկրների ժողովուրդների արագ և անկաշկանդ զարգացմանը զեպի կոմունիզմ:

Բորյանի հերոսներին ամենածանր կացութիւն մեջ ողու ամբութիւն և հաղթանակի հավատ է ներշնչում հայրենիքի սերը, որը կազմում է նրանց էութիւնը: Անձնվեր հայրենասեր պարտիզան Սեմյոն պապի ուսուցիչին թե՛ «Հայրենիքի համար արյունդ էլ պիտի տաս, քաղցած էլ կարող ես լինել», դրամայի հերոսները արձագանքում են ամենաջերմ հայրենասիրական խոսքերով: Սովետական մարդկանց համար հայրենիքը դա վերացական մի խոսք չէ: Այն կոնկրետ է, իրական, ինչպե՛ս սեփական երջանկութիւնը: Սովետական լայնածավալ երկրի յուրաքանչյուր անկյունում մարդը երջանիկ է: Դրանով էլ հենց սովետական Հայրենիքը թանգ է և ոիրելի ամենքի համար:

Բորյանի դրամայի զործողութիւն վայրը Կովկասյան ռազմաճակատն է: Կովկասի պաշտպանութիւնը ուսումնասիրում է ժողովրդի հերոսական զավակների հետ մեկտեղ մասնակցում են ուկրաինացիք, հայեր, վրացիներ: Ամենքի համար էլ, անկախ նրանց ազգային պատկանելիութիւնից, Կովկասը, ինչպե՛ս սովետական հողի յուրաքանչյուր անկյուն, հարազատ հայրենիք է: Ահա այս զիտակցութիւն վրա է հիմնվում սովետական ժողովուրդների անխորտակելի միասնութիւնը, որը ցայտուն կերպով դրսևորվեց հատկապէս Հայրենական պատերազմի ժամանակաշրջանում:

Բորյանի հերոսները՝ մայոր Օռլովը, կոմիսար Ավալյանը, կապիտան զին-թղթակից Սվետլովը, կապիտան Արաշիձեն, Սեմյոն պապը, բժշկուհի Անահիտը, սերժանտներ Դիմիտրին, Վաչեն և այլն—սրանք բոլորն էլ Տեղեկագիր 10—3

ոնալիստորեն գծագրված իսկական սովետական մարդիկ են՝ բարձր բարոյական հատկությունների տեր, ազնիվ, անձնվեր, տոկուն, տոգորված մի ընդհանուր գաղափարով, միևնույն ձգտումով, միևնույն սիրով և ատելությամբ: Նրանցից հեռու է էգոիզմը, փառասիրությունը, մորթեպաշտությունը: Բորյանի դրամայի ընթերցողը, կամ դիտողը խորապես համակվում է նրա հերոսներով, հավատում նրանց գործի հաջողությանը, նրանց մղած պայքարի հաղթական վախճանին: Չնայած բացառիկ դաժան պայմաններին, որի մեջ գտնվում է Օռլովի գումարտակը՝ շրջապատման մեջ լինելու պատճառով, բայց և այնպես հրամանատարից սկսած մինչև վերջին մարտիկը, համակված են մի պայծառ լավասեսությամբ, մի լուսավոր կենսախնդրությամբ, որը և ջերմացնում է այդ դաժան մթնոլորտը:

Պիեսի ընդհանուր տրամադրության մեջ, սակայն, դիտնանս է մտցնում ծանր վիրավոր մայոր Դանիելյանի մահվան պատկերը, որը, ի դեպ, պիեսի սյուժետային գծից բոլորովին դուրս մի ավելորդ կցորդ է: Բարձր տրամադրությամբ և հերոսականությամբ շնչող դրամայի մեջ այդ պատկերը մտցնում է մեկոդրամատիկ տարր, որը, անշուշտ, իջեցնում է երկի թե՛ գրական-գեղարվեստական և թե՛ իդեական արժեքը:

Պիեսը գերծ չէ նաև այլ կարգի թերություններից: Օրինակ, անհրաժեշտ չափով չի պատճառարանված Օթիգովի դավաճանությունը, պիեսում կան անորոշություններ, ինչպես օրինակ՝ Սեմյոն պապի գերմանացիների կողմից բռնվելը և այլն:

Դուրդեն Բորյանը ստեղծագործական վերելք ապրող հեղինակ է: Նրա ստեղծագործական անցած ուղին այդ է վկայում: Բորյանի ստեղծագործական հաջողությունները պայմանավորված են նրա հասարակական ակտիվ խառնվածքով, սովետական կյանքի նկատմամբ ունեցած հարազատ ջերմ զգացումներով: Այդ է այն միակ ճիշտ ուղին, որով ընթանալով հեղինակը կհասնի նորանոր նվաճումների, դարձնելով իր արվեստը մեր մեծ էպոսային արժանի իսկական բարձր արվեստ:

Гурген Борян

(Р е з ю м е)

Творчество Боряна проникнуто духом большевистской партийности. Самоотверженно служить советской родине, партии Ленина—Сталина, всеми силами способствовать ее борьбе во имя победы коммунизма—таков внутренний пафос творчества Боряна.

Тема патриотизма является основной струной лирики Боряна. Любовь к Советской родине переходит у Боряна в чувство глубокого и искреннего восхищения, она пронизывает все существо поэта, это горячее, оптимистическое чувство питает и согревает все его творчество. Патриотизм Боряна конкретен. Это выражается, прежде всего, в изображении жизни и повседневного быта свободно творящих советских людей, и, в частности, советской молодежи. Чувства человека и поэта, неразрывно

связанные с советской жизнью, нашли свое яркое выражение также в любовной лирике Боряна и в песнях о природе.

В дни Великой Отечественной войны патриотическое слово Боряна вспыхивает с новой силой, выражая боевой дух этих героических дней.

Как поэт-борец, четыре года находившийся в боевых рядах армии, Борян изображает в своих произведениях передовых людей этих великих героических дней, самоотверженных советских патриотов, на своих плечах вынесших все трудности войны и ценою своей жизни завоевавших победу.

Особенностью поэтического искусства Боряна является публицистический пафос, непосредственность и искренность чувств. Не всегда, однако, Боряну удается путем сжатых и выразительных образов довести до читателя волнующие его идеи. Горячее и волнующее слово иногда заменяется у автора холодными рассуждениями, которые превращают поэтическое произведение в сухую риторику.

Г. Борян занимается также детской литературой. Самым ценным в его произведениях для детей является свежесть тематики, жизнерадостность детских восприятий, правдивое выражение их психологии, интересов и чувств.

Г. Борян проявил себя также даровитым драматургом. Его героическая драма «На высотах» на тему из событий Великой Отечественной войны является одним из лучших произведений советской армянской драматургии.